



Pou Piblikasyon Imedya: 19/02/2025

GOUVÈNÈ KATHY HOCHUL

ESTIMILE INOVASYON: GOUVÈNÈ HOCHUL AK SENATÈ SCHUMER ANONSE 65 MILYON DOLA EKSPANSYON KONPAYI INOVASYON BATRI PWOCHÈN JENERASYON BAE SYSTEMS NAN SOUTHERN TIER

BAE Systems pran angajman pou kreye plis pase 130 nouvo djòb ki byen peye nan lokal Vilaj Endicott la

Investisman kontinyèl Eta Nouyòk sipòte estrateji konplè rejyon Southern Tier pou revitalize kominote yo ak devlope ekonomi an lè yo konsantre sou solisyon enèji pwòp yo

Gouvènè Kathy Hochul ak Senatè Charles Schumer te anonse jodi a ke BAE Systems ap envesti 65 milyon dola pou elaji operasyon yo nan Vilaj Endicott, Konte Broome. Konpayi an pral ajoute yon total 13,935 m² (150,000 pye kare) nan sit ki egziste deja li a pou fè plas pou ajoute yon nouvo liy pwodiksyon batri ak espas laboratwa, ak nouvo espas biwo. Kòm rezilta ekspansyon an, konpayi a angaje pou li kreye jiska 134 anplway ki byen peye sou plas. BAE Systems se yon konpayi defans mondyal, ayewospasyal ak sekirite ak apeprè 93,500 anplwaye atravè lemond. Etablisman BAE Systems nan Endicott konsevwa, devlope ak pwodui yon gwo gam sistèm elektwonik ki enpòtan pou sekirite, soti nan kòmanss vòl ak motè rive nan sistèm jesyon enèji ak pwisans. Konpayi an fonksyone sou sit Huron Campus la depi 2011.

"Desizyon BAE Systems pou elaji biznis li a reprezante yon lòt viktwa pou Eta Nouyòk ak pou Southern Tier, ki konsantre sou devni yon sant mondyal pou efò inovasyon batri pwochen jenerasyon yo", **Gouvènè Hochul te deklare.** "Depi lè mwen te antre an fonksyon, mwen te rete angaje m pou m repote travay nan Nò Eta Nouyòk. Konpayi sa a ki gen anpil siksè te chwazi pou l devlope operasyon li yo isit la, sa ki te ankouraje kreyasyon bon jan kalite djòb ki byen peye nan rejyon an paske yo te wè pèsònèlman kijan Nouyòkè yo travay di."

Senatè Charles Schumer te deklare,"BAE Systems ap ajoute plis pase 130 djòb ki byen peye isit la nan Southern Tier pou asire pwochen jenerasyon batri Etazini an genyen so 'Made in Upstate NY' (Fabrike nan Nò Eta Nouyòk). Agrandisman 65 milyon dola sa a pou ajoute yon nouvo liy pwodiksyon batri, laboratwa rechèch, ak biwo ede

montre kijan nou ka ramne chèn apwovizyonman sa a soti aletranje, ak Southern Tier k ap trase wout la pou asire avni fabrikasyon batri yo fabrike nan Konte Broome, pa Pekin (Beijing). BAE Systems se yon pati enpòtan nan ekonomi Southern Tier a, ak yon mendèv klas mondyal ki gen plis pase 1200 moun, epi chwazi zòn sa a pou gwo ekspansyon pwodiksyon batri yo se pa aksidan. Mwen fyè de plizyè milyon sipò federal mwen te bay – atravè Plan Sekou Ameriken (American Rescue Plan, ARP) an ak Lwa sou CHIPS & Syans bilateral la – nan rejyon an pou fè l tounen yon sant mondyal pou rechèch batri epi prepare teren an pou anons jodi a. Jodi a BAE ap ede ajoute yon lòt bouk pou etabli rejyon sa a kòm yon nwayo fabrikasyon ak inovasyon pou liy batri Etazini an."

Pwojè a enplike ekspansyon liy pwodiksyon batri BAE Systems, ki gen ladan acha ak enstalasyon machin ak ekipman pou pwodwi avèk efikasite yon sistèm estokaj enèji pou avyon elektrik/ibrid. Etablisman sa a pral gen ladan yon liy pwodiksyon otomatik dènye modèl, yon laboratwa enjenyeri, ak yon sant pyès detache, epi yo prevwa l ap fini nèt nan ane 2027.

Empire State Development ap ede pwojè a ak jiska 8.5 milyon dola nan Pwogram Kredi Enpo pou Travay Excelsior (Excelsior Jobs Tax Credit Program) a an echanj pou angajman nan kreyasyon travay. Konte Broome ap bay asistans tou pou pwojè a.

Direktè Prensipal BAE Systems lan, Jim Garceau, te deklare, "Aandisman etablisman sa a ranfòse angajman nou anvè Southern Tier epi bati sou vizyon Eta Nouyòk pou kreye yon sant rejyonal pou inovasyon batri. Avèk envestisman sa a, nou pral amelyore kapasite nou pou adrese bezwen nouvo jenerasyon avyon ibrid/elektrik la."

Estimile inovasyon batri pwochen jenerasyon

Gouvènè Hochul ak Senatè Schumer te enpòtan anpil nan desizyon konpayi an nan travay kole ak ofisyèl konpayi yo pou asire ke pwojè a ta vanse nan rejyon Southern Tier Nouyòk la ki konsantre sou sipòte efò enèji pwochen jenerasyon yo – yon pi gwo priyorite pou gouvènè a ak senatè a.

An janvyè 2024, Gouvènè a ak Senatè a te anonse ke Fondasyon Nasyonal Syans (National Science Foundation, NSF) Etazini te nonmen Motè Estokaj New Energy New York (NENY) kòm yon Motè Inovasyon Rejyonal (Motè NSF), ki te kreye pa Lwa sou CHIPS & Syans bilateral Senatè a. Motè Estokaj NENY an, ki ankre nan Binghamton University nan rejyon Southern Tier Nouyòk la, pral resevwa jiska 15 milyon dola nan finansman federal pou dezan ak jiska 160 milyon dola sou 10 ane pou etabli yon sant ki pral akselere inovasyon, tradiksyon teknoloji ak kreyasyon yon mendèv ki kalifye pou ogmante kapasite endistri batri domestik la. Atravè Empire State Development, Eta Nouyòk pral koresponn jiska 20 pousan pou senk premye ane pwojè a epi li pral bay sipò atravè pwogram yo etabli yo. Yo te chwazi Motè Estokaj NENY an pou kowalisyon atravè divès sektè li yo ki pral bati yon ekosistèm prensipal ki mennen inovasyon teknoloji batri, devlopman mendèv ak fabrikasyon pou sipòte sekirite nasyonal Etazini ak konpetitivite mondyal.

Schumer te batay depi lontan pou sekirize investisman federal pou estimile fabrikasyon batri Southern Tier ak R&D. An 2021, Schumer te kreye Defi Rejyonal pou Rebati Pibyen (Build Back Better Regional Challenge) nan Plan Sekou Ameriken an ke li te mennen nan adopsyon kòm Lidè Majorite. Senatè a pèsonèlman te defann seleksyon pwopozisyon sant batri New Energy New York (NENY) ki dirije pa Inivèsite Binghamton lan, sa ki ede founi yon investisman federal 63.7 milyon dola ak yon finansman kontrepati 50 milyon dola nan Eta Nouyòk. An 2023, Schumer te bay tou deziyasyon prestijye Tech Hub federal la, ki te kreye tou pa Lwa sou CHIPS ak Syans bilateral la pou pwopozisyon NENY ki dirije pa Inivèsite Binghamton lan.

Prezidan, Direktè Jeneral ak Komisè Empire State Development, Hope Knight, te deklare, "Sipò estratejik ak sibler Gouvènè Hochul la ak pou konpayi enèji pwòp pwochen jenerasyon yo akselere prezans k ap grandi nan endistri dènye kri sa a nan Eta Nouyòk. Agrandisman BAE Systems pral kreye bon jan kalite djòb ak opòtinite nan Southern Tier, sa ki pral avanse lidèchip rejyon an nan inovasyon teknoloji batri."

Ajanda Klimatik Eta Nouyòk

Ajanda klimatik Eta Nouyòk egzije yon tranzisyon ki bon mache epi ki jis vè yon ekonomi enèji pwòp ki kreye djòb ki soutni fanmi, fè pwomosyon kwasans ekonomik atravè investisman ekolojik, epi dirije yon minimòm 35 pousan nan benefis yo bay fanmi ki defavorize yo. Nouyòk ap pouse yon seri efò pou kreye yon ekonomi a zewo emisyon vè 2050, ki enkli nan sektè enèji, konstriksyon, transpò, ak dechè.

Prezidan ak Direktè Egzekitif Jeneral Otorite Enèji Nouyòk la, Justin E. Driscoll te deklare, "BAE Systems te yon gwo motè kwasans ekonomik nan Konte Broome, epi mwen felisite yo pou nouvo ekspansyon 65 milyon dola yo a. Gras ak envestisman estratejik Gouvènè Hochul ak Senatè Schumer, Nouyòk te vin tounen yon bank esè pou inovasyon estokaj batri, epi NYPA pral kontinye sipòte konpayi tankou BAE Systems k ap devlope teknoloji dènye kri epi ankouraje kwasans ekonomik ak kouran ki rantab."

Prezidan ak Direktè Egzekitif Jeneral Otorite Rechèch ak Devlopman Enèji Eta Nouyòk la, Doreen M. Harris, te deklare, "Avèk investisman sa a nan teknoloji batri pwochen jenerasyon nan lokal Konte Broome lan, BAE Systems ap sipòte djòb lokal yo epi ranfòse chèn apwovizyonman enèji pwòp eta a, pou asire Nouyòk kontinye trase chemen an nan inovasyon ak opòtinite ekonomik an tèm teknoloji pwòp. Ekspansyon an pral avanse tou transpò pwòp nan endistri avyasyon an epi sipòte efò NYSERDA nan rechèch, devlopman, ak demonstrasyon nouvo teknoloji nan sektè estokaj enèji a."

Senatè Eta Lea Webb, te deklare, "Li enteresan pou wè BAE Systems elaji operasyon inovasyon batri pwochen jenerasyon li yo isit la nan Southern Tier, sa k ap pote jiska 134 nouvo anplwa nan Vilaj Endicott. Investisman sa a ranfòse wòl rejyon nou an kòm yon lidè nan teknoloji enèji pwòp ak fabrikasyon avanse. Mwen vle remèsye Gouvènè Hochul pou angajman li pou devlope ekonomi lokal nou an ak tout moun ki te fè agrandisman sa a posib. Investisman sa a non sèlman kreye nouvo opòtinite pou travayè yo, men tou li ranfòse lidèchip Nouyòk nan fiti solisyon enèji dirab yo."

Manm Asanble Donna Lupardo te deklare, "Plizyè ane travay di ak devouman fè zòn nou an vin yon sant deziyen pou inovasyon ak fabrikasyon batri. Agrandisman BAE pou genyen yon nouvo liy pwodiksyon batri pral etabli kominote nou an davantaj kòm yon lidè nan teknoloji enèji pwòp. Travay yo sou otobis elektrik/ibrid ak sistèm batri avyon yo eleman ki chanje règ jwèt la pou endistri a ak pou mendèv lokal nou an. Mwen ta renmen remèsye BAE Systems pou investisman kontinyèl y ap fè nan kominote nou an, ak Gouvènè a ak Empire State Development pou sipò kontinyèl yo nan travay enpòtan sa a."

Chèf Egzekitif Konte Broome Jason Garnar te deklare, "Agrandisman BAE Systems nan Endicott se yon lòt gwo viktwa pou Konte Broome, ki ranfòse wòl rejyon nou an kòm lidè nan inovasyon batri pwochen jenerasyon pandan y ap kreye plis opòtinite travay pou kominote nou an. Mèsi Gouvènè Hochul pou angajman kontinyèl li anvwè kwasans ekonomik nan Southern Tier ak BAE Systems paske li te chwazi agrandi isit la nan Konte Broome."

Majistra Vilaj Endicott la, Nick Burlingame, te deklare, "Desizyon BAE Systems pou elaji operasyon li nan Endicott se yon temwayaj sou fòs kominote nou an, mendèv nou an, ak angajman rejyon nou an an favè inovasyon. Investisman sa a non sèlman ranfòse eritaj Endicott kòm yon sant pou teknoloji dènye kri, men tou li pote nouvo opòtinite pou fanmi ak biznis lokal yo. Nou fyè pou sipòte BAE Systems pandan y ap kontinye grandi ak fòme avni enèji pwòp ak inovasyon batri isit la nan vilaj nou an. Nou pa ka tann travay, enpak ekonomik, ak avansman ekspansyon sa a pral pote pou Endicott."

Pou plis enfòmasyon sou BAE Systems, vizite: <https://jobs.baesystems.com/global/en/>.

Akselere Devlopman Ekonomik nan Southern Tier

Anons jodi a fè avanse Plan Estratejik Southern Tier a epi konplete estrateji "Southern Tier Soaring" nan fasilite kwasans ekonomik ak devlopman kominote a. Plan ki fèt nan nivo rejyonal la konsantre sou atire yon mendèv ki plen talan, grandi biznis yo ak estimile inovasyon pwochen jenerasyon an. Gen plis enfòmasyon ki disponib [isit la](#).

Enfòmasyon sou Empire State Development

Empire State Development se ajans prensipal devlopman ekonomik Nouyòk la, epi li ankouraje kwasans biznis, kreyasyon djòb, ak pi gwo opòtinite ekonomik atravè eta a. Ak biwo nan chak nan 10 rejyon eta a, ESD sipèvize [Konsèy Devlopman Ekonomik Rejyonal](#) yo, sipòte ekite wo debi atravè biwo ConnectALL la, epi li ap ogmante mendèv demen an atravè Biwo Devlopman Estratejik Mendèv.

Ajans lan angaje ak endistri k ap vini ak pwochen jenerasyon tankou enèji pwòp ak fabrikasyon semi-kondiktè k ap grandi nan Eta Nouyòk, opere yon rezo sant asistans pou ede ti biznis yo grandi ak reyisi, epi ankouraje destinasyon touris klas mondyal yo atravè I LOVE NY. Pou plis enfòmasyon, tanpri vizite esd.ny.gov, epi konekte ak ESD sou [LinkedIn](#), [Facebook](#) and [X](#), [ke yo te rele Twitte](#).

###

Lèt nouvèl disponib sou sit www.governor.ny.gov
Eta Nouyòk | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK
bay 81336

[ANILE ENSKRIPSYON OU](#)